



GODIŠNJI IZVJEŠTAJ 2020

o radu Fondacije tuzlanske zajednice

Fondacija tuzlanske zajednice

+38735 362830
+38735 362831

fondtz@fondacijatz.org
www.fondacijatz.org

Pozorišna 13, 75 000 Tuzla
Bosna i Hercegovina



IMPRESSUM

Izdavač:

Fondacija tuzlanske zajednice

Za izdavača:

Jasna Jašarević

Uredila:

Amila Čitaković

Tekst pripremili:

FTZ tim

Prevod engleske verzije dokumenta:

FTZ tim

Dizajn:

Dario Babović

Tiraž:

elektronska verzija

Fondacija tuzlanske zajednice 2020

Sva prava pridržana

Kontakt:

Pozorišna 13,

75 000 Tuzla

Bosna i Hercegovina

+38735 362830

+38735 362831

fondtz@fondacijatz.org

www.fondacijatz.org

Sadržaj

2020 u brojevima	4
Poruka predsjednika Upravnog odbora i izvršne direktorice	7
2. Programi podrške	9
2.1. Program za mlade	9
2.2. Program razvoja zajednice	20
2.3. Program otvorenog obrazovanja	29
2.4. Program filantropije	36
3. Programski i institucionalni razvoj	38
4. Finansijski izvještaj 2020	39

2020 u brojevima

2020. biće zapamćena kao godina u kojoj je FTZ, pored redovnih aktivnosti, svoje resurse usmjerila i na podršku lokalnim zajednicama tokom pandemije koronavirusa. U okviru kampanje "Solidarnošću protiv korona virusa" prikupljeno je i distribuirano 100.000,00 KM pomoći za prioritetne potrebe zajednice.

ULAGANJE U ZAJEDNICU

BROJ POKRENUTIH I
PODRŽANIH PROJEKATA I
INICIJATIVA U ZAJEDNICI

266

UKUPNA VRIJEDNOST
PODRŽANIH PROJEKATA I
INICIJATIVA

785.043,60
KM

VLASTITO UČEŠĆE AKTIVISTA

173.592,97
KM

VRIJEDNOST VOLONTERSKOG RADA


89.391,00
KM

Vrijednost uložениh sredstava od
Fondacije tuzlanske zajednice


522.059,63
KM

Razvojem filantropije i uspostavljanjem partnerstava sa vlastima, pojedincima i preduzećima FTZ nastoji obezbijediti sredstva za podršku lokalnim projektima i iz lokalne zajednice.

FILANTROPI U 2020



STRUKTURA DONATORA 2020.



KORISNICI

U AKTIVNOSTI FTZ-A U 2020. GODINI
DIREKTNO SU BILE UKLJUČENE



9.492
o s o b e

DISTRIBUIRANA
KRATKOROČNA PODRŠKA ZA

166
žena

ČIJA JE MATERIJALNA
EGZISTENCIJA UGROŽENA
EPIDEMIJOM COVID 19



17
žena

DOBILO PODRŠKU ZA
RAZVOJ
PRIHODOVNIH AKTIVNOSTI



ODOBRENA PODRŠKA
ZA REALIZACIJU

32 projekata

USMJERENA NA POBOLJŠANJE POLOŽAJA
RANJIVIH GRUPA

PODRŽANA REALIZACIJA

30 lokalnih
inicijativa

IZ OBLASTI **OČUVANJE PRIRODE,
OKOLIŠA, KLIME I ZDRAVLJA**



Poruka predsjednika Upravnog odbora i izvršne direktorice

*Dragi prijatelji, aktivisti i volonteri, dragi donatori i partneri,
drage građanke i dragi građani,*

Donosimo vam još jedan Godišnji izvještaj o radu

Fondacije tuzlanske zajednice, ovaj put za jednu od najizazovnijih godina u našem radu, 2020. Svako će je pamtititi na svoj način, ali sigurno je da ćemo svi ponijeti osjećaje bespomoćnosti, tuge i sjete zbog velikog broja onih čiji je život skratila i ugasila pandemija COVID-19.

Malo je ko mogao predvidjeti situaciju i događaje koji su se desili u prošloj godini. Mi u Fondaciji smo se početkom godine pripremali za realizaciju tek usvojenog Godišnjeg plana rada i sa zadovoljstvom smo primili vijesti o novim partnerstvima sa međunarodnim i domaćim donatorima. Svi planovi su se promijenili za tih nekoliko dana početkom marta 2020., kada smo, nakon preporuka Kriznog štaba ministarstva zdravstva FBiH, u cilju prevencije širenja bolesti izazvane virusom COVID-19, sve aktivnosti sa korisnicima potpuno prekinuli do 31. marta 2020., a uposlenici i volonteri Fondacije su upućeni na rad od kuće.

Ono što nam je svima bilo važno je odgovoriti brzo i ispravno na trenutne potrebe zajednice. Kroz naš Fond solidarnosti pokrenuli smo kampanju "Solidarnošću protiv korona virusa" kako bismo prikupili sredstva za vanrednu

podršku. Donacijama od pojedinaca, lokalnih preduzeća, uz dodatnu podršku iz lokalnih budžeta i međunarodnih donatora, koristeći se i našom platformom doniraj.ba, uspjeli smo skupiti skoro 100.000 KM za intervencije tokom pandemije. Uložili smo maksimalne napore da damo svoj doprinos i pomognemo, koliko je bilo u našoj moći, medicinskim radnicima, ugroženim kategorijama stanovništva, nastavnicima i djeci u osnovnim školama, kao i ženama koje su zbog pandemije uzrokovane virusom COVID-19 ostale bez posla.

Dodatno smo nastojali realizirati svoje redovne aktivnosti, ali sa smanjenim brojem učesnika i često u on-line načinu rada, posebno u okviru programa Omladinske banke. Program organiziranja zajednica, u saradnji sa Mrežom aktivnih zajednica, je također prilagođen mjerama prevencije, tako da smo imali manji broj učesnika na sastancima, forumima i Konferenciji građana.

Oba programa su proširena na cijelo područje TK, u skladu sa petogodišnjim strateškim planom, gdje je kroz edukativne treninge i finansijsku podršku veći akcenat stavljen na podršku u oblasti ekologije i zaštiti ljudskih prava najugroženijih kategorija.

Projekat inkluzivnog razvoja zajednice na Kiseljaku je ušao u svoju završnu godinu uspješne implementacije u prilagođenim uslovima rada kroz Društveni centar i Pedagošku radionicu na Kiseljaku.

Nažalost, jedan od naših najvećih programa edukacije, koji smo realizovali u osnovnim školama TK pod nazivom "Edukacijom o odgovornom postupanju sa psima", je obustavljen od strane donatora Dogs Trust zbog pandemije. To je imalo za posljedicu prekidanje angažmana dva vrijedna uposlenika Fondacije.

Ipak, moramo biti sretni da smo svi ostali zdravi, složni i solidarni ne samo jedni prema drugima u timu Fondacije, nego i prema svim našim kolegicama i kolegama u civilnom sektoru. Zajednički smo digli svoj glas za „Jednaka prava za udruženja i fondacije“, koje su tako mnogo učinile za najranjivije kategorije stanovništva, a da za to nisu dobili zasluženu pažnju i podršku od vlasti.

Ovom prilikom želimo odati priznanje i zahvaliti se našim uposlenicima, volonterima i aktivistima, što su bili spremni da se prilagode, da rade od kuće i u izolaciji, te da uprkos svim tim izazovima realizuju i više od onoga što smo planirali za 2020-tu!

Zahvaljujemo se svim donatorima, međunarodnim i domaćim, koji su nastavili svoju podršku i bili spremni prilagoditi uslove saradnje novim okolnostima. Time ste nam omogućili da, zajedno sa svojim partnerima u lokalnim zajednicama Tuzlanskog kantona, održimo svoj rad i programe podrške u skladu sa potrebama građana. Više o podržanim projektima drugih građanskih organizacija i grupa možete pronaći u publikaciji "Brošura o podržanim projektima u 2020.", koja predstavlja sastavni dio ovog izvještaja i može se pročitati na našoj web stranici www.fondacijatz.org.

*Nadamo se da ćete nas pratiti i dalje i
da ćete uživati u čitanju!*

Srdačno,



Amir Azabagić

Predsjednik UO FTZ

Jasna Jašarević

Izvršna direktorica FTZ



**FONDACIJA
TUZLANSKE
ZAJEDNICE**

Darujte zajednici, darovali ste sebi !

2. Programi podrške

2.1. Program za mlade

Vanredne okolnosti, uzrokovane pandemijom Covid-19 onemogućile su realizaciju programskih aktivnosti na način kako je to bilo planirano. Ipak, rad sa mladima u novim uslovima je organizovan online ili uživo uz poštivanje mjera zaštite zdravlja mladih i bezbjedno odvijanje aktivnosti. Zahvaljujući nezaustavljivoj pozitivnoj energiji koju donose, mladi su se brzo prilagodili novim uslovima rada, pa je u programu za mlade učestvovalo više od stotinu mladih ljudi.

Omladinska banka


Program Omladinske banke (OB) je implementiran u 5 općina i gradova TK (Tuzla, Lukavac, Živinice, Kalesija i Srebrenik). U radu pet Odbora OB direktno je učestvovalo 111 mladih osoba uzrasta od 18 godina. Tokom jednogodišnjeg mandata mladi su imali priliku učiti o zajednici u kojoj žive, potrebama i problemima mladih, demokratskom donošenju

odluka i drugim sadržajima usmjerenim na svestran razvoj mladih i njihov jači društveni angažman. Na osnovu stečenih znanja, članovi Odbora OB su učestvovali u odlučivanju o finansijskoj podršci projektima mladih u TK, na transparentan i odgovoran način.



Zadovoljstvo mi je izdvojiti nekoliko sati sedmično za rad sa mladima. Jednostavno, to me čini sretnom!

*Mirna Hodžić,
koodrinatorica Odbora Omladinske banke Tuzla*



Kroz OB sam stekla mnogo novih vještina, ali šlag na torti ove predivne godine koju sam započela kao stidljiva djevojčica koja se bojala tuđih mišljenja i komentara, je to da je završavam kao mlada osoba koja ima jasan stav i jasno definisane ciljeve. Moj koordinators Marko kaže da mi je sada "svijet pod nogama" i ja se stvarno tako i osjećam.

Belma Likić,
dobitnica priznanja "Junakinja svoje zajednice 2020"



Tim koordinatora OB je realizirao brojne edukativne radionice, organizirao promotivne događaje, konferencije i kampove. OB koordinatori ističu da im je ovo volontersko iskustvo i vještine koje su stekli u OB-u, mnogo pomoglo prilikom traženja zaposlenja. Neki su već dobili priliku da svoj profesionalni razvoj nastave u poslovnom sektoru.

A man with a beard, wearing a blue suit and a light blue shirt, stands on a set of outdoor stone stairs with metal railings. He is smiling and looking towards the camera. The background shows green foliage and a building.

“Kada sam tek dobio povjerenje da obavljam funkciju OB koordinatora osjećao sam se nesigurno, ali i motivisano. Omladinska banka mi je pomogla da razvijem vještine, ali i da prepoznajem potrebe ljudi oko sebe, što mi je trenutno od velike koristi u poslovnom životu.”

*Ahmet Bulić,
dugogodišnji koordinator Odbora Omladinske banke Kalesija*



Treninzi, radionice, donošenje odluka i zabava

U prilagođenim uslovima rada zbog pandemije, trodnevni *Orijentacioni trening "Kako odlučivati u Omladinskoj banci?"* održan je u februaru, martu i junu 2020. godine. **114** mladih članova Odbora OB savladalo je pravila i procedure rada u OB-u, način ocjenjivanja i vrednovanja omladinskih inicijativa, te objektivnog i demokratskog donošenja odluka. Mladi su, kao što je to praksa na ovom treningu, učili o pojmovima filantropije i volonterizma, kao i osnovnim vrijednostima civilnog sektora.

Tokom godine, u svakom od 5 odbora OB realizovano je 11 tematskih radionica i održano 35 sastanaka, na kojima se raspravljalo o temama koje su mladi smatrali važnim za razvoj participativne demokratije.

1. Šta je Omladinska banka?
2. (P)ostani aktivan, volontiraj!
3. Timski rad
4. Komunikacija i komunikacijske vještine
5. Monitoringujmo
6. Mediji i ja
7. Demokratija
8. Zakon o mladima FBiH
9. Prezentacijske vještine
10. Pisanje projektnog prijedloga I i II
11. Evaluaciona radionica



U toku jednogodišnjeg mandata, članovi OB-a su dva puta u toku godine odlučivali o podršci projektima mladih. Razmatrali su ukupno 51 projektni prijedlog i donijeli odluku o podršci za 21 projekat. Prije donošenja odluke, mladi su kroz proces predelekcije ustanovili koji

projekti zadovoljavaju osnovne kriterije, obavili intervjue, te se upoznali sa aplikantima i njihovim projektnim idejama. Odluke su donosili bodovanjem na osnovu zajednički uspostavljenih kriterija za vrednovanje projekata.



“Velika je odgovornost učiti mlade kako da prepoznaju ideje koje vrijedi podržati”

*Minela Buljubašić,
koordinatorica Omladinske banke Srebrenik*



Svečana dodjela certifikata za članova/ice odbora Omladinske banke



Kampanja "Budi junak/inja svoje zajednice"

Sedmu godinu za redom, kroz ovu kampanju, FTZ nastoji staviti u fokus mlade, njihove potrebe i probleme, kako bi se tražila zajednička rješenja za stvaranje boljeg ambijenta za mlade u kojem će ostajati i uspješno se razvijati. Stoga smo u kampanju uključili i javni i poslovni sektor, te tako obezbijedili finansijsku podršku omladinskim udruženjima koja su i u doba pandemije nastavila provoditi svoje aktivnosti. Kampanja je započela na Međunarodni

dan mladih, 12. augusta 2020. god., on-line događajem na kojem su mladi razgovarali o ulozi mladih u društvu i ciljevima kampanje. Dodatno je na ovaj dan upriličen prijem i razgovor sa resornim ministrom u Ministarstvu za kulturu, sport i mlade TK, Srđan Mićanovićem, na kojem su istaknuti problemi mladih, status i finansiranje omladinskih udruženja, te ciljevi i postignuća Strategije za mlade TK.



Posjeta predstavnika mladih Ministarstvu za kulturu, sport i mlade TK, 12. august 2020. Međunarodni dan mladih

Značajna podrška biznis sektora: Uprkos pandemiji i lošem poslovnom ambijentu za mnoga preduzeća, kampanju je podržalo 25 društveno odgovornih preduzeća sa finansijskim sredstvima u iznosu od 13 000 KM.


Mladi su dobili priliku da predstavnicima partnerskih kompanija prezentiraju svoje inicijative i da u direktnom razgovoru sa stručnjacima iz poslovnog sektora pridobiju simpatije i dobiju finansijsku podršku za predstavljene projekte.



Dodjela dukata: 9 projekata mladih podržano kroz kampanju Budi junak svoje zajednice

UKUPNA VRIJEDNOST PODRŽANIH PROJEKATA

34.534,00 KM



PODRŠKA FONDACIJE TUZLANSKE ZAJEDNICE

21.593,00 KM

PODRŠKA LOKALNIH BIZNISA

12.949,00 KM

Konferencija „Youth Inspiration Academy“ održana je na Međunarodni dan volontera, 05.12.2020. uz inovaciju i prilagođeni pristup prilikom realizacije konferencije zbog pandemije. Konferencija je održana na šest različitih lokacija, kako bi se ispoštovale higijensko-epidemiološke mjere.

YOUTH INSPIRATION ACADEMY


BOMLADINSKA BANKA
FONDACIJA TUZLANSKE ZAJEDNICE

RADIONICA 1 GIRLTHING & ARDUINO za početnike NERMA HUSKIĆ Radionica koja će vas uvesti u svijet tehnologije i IT-a	RADIONICA 4 ANKSIJZNOST JAČA OD MOTIVACIJE? ALMA TIHIĆ Radionica koja će vam olakšati način na koji se nosite sa izazovima pandemije
RADIONICA 2 CV - tips & tricks ADNAN MUJANOVIĆ Radionica koja će vas naučiti kako da se izdvojite iz mase	RADIONICA 5 POSLOVNE VJEŠTINE ZA 21. VIJEK SELMA SELIMOVIĆ Radionica koja će vas uputiti u najvažnije poslovne vještine današnjice
RADIONICA 3 PODUZETNIŠTVO MIRELA OMEROVIĆ Radionica koja će u vama probuditi poduzetnički duh	RADIONICA 6 MOJE PODUZETNIČKO ISKUSTVO EDIS OSMIĆ I UNA STJEPIĆ Radionica koja će vam pokazati kako da postanete "sam svoj gazda"

Mladi su pratili šest radionica koje su vodili inspirativni govornici na teme ličnog razvoja, poduzetništva i društvenog angažmana.

Tematske radionice i inspirativni govornici na "Youth Inspiration Academy", održane 5.12.2020.

- 1. Poduzetništvo** – pokretanje vlastitog biznisa ili nešto mnogo više?, predavačica Mirela Omerović, izvršna direktorica Fondacije Impakt Sarajevo;
- 2. Moje poduzetničko iskustvo**, predavači Edis Osmić i Una Stjepić, mladi poduzetnici iz Tuzle dobitnici FTZ grant podrške za pokretanje malog biznisa;
- 3. Kako preživjeti ako je anksioznost jača od motivacije?**, predavačica Alma Tihić, psihologinja i gestalt tarapeutkinja
- 4. GirlThing & Arduino za početnike**, predavačica Nerma Huskić, apsolvantica Fakulteta elektrotehnike, odsjek automatika i robotika i članica UG "Girl Thing"
- 5. CV – tips & tricks**, predavač Adnan Mujanović, doktor medicine i stipendista flantropskog Fonda Prometej pri FTZ;
- 6. Poslovne vještine za 21. vijek**, predavačica Selma Selimović, voditeljica odjela ljudskih resursa u Virgin Pulse. svoje zajednice





Ono što nas povezuje i usmjerava na davanje ne košta ništa – jer sve je dostižno ako se svi udružimo.

*Adnan Mujkić,
dobitnik priznanja "Junak svoje zajednice 2020"*

Na konferenciji su dodjeljena i priznanja pojedincima, organizacijama i udruženjima koji su dali poseban doprinos razvoju mladih.

Dobitnici priznanja "Junak/inja svoje zajednice 2020"

- *Institut za razvoj mladih „KULT“, za izuzetan doprinos razvoju omladinskog sektora;*
- *Adnan Mujkić, za izuzetan doprinos razvoju i osnaživanju mladih,*
- *Belma Likić, za izuzetan volonterski doprinos u Omladinskoj banci;*
- *Udruženje mladih žena GirlTHing, za najbolje implementirani projekat u 2020.*
- *Kompanija Lović&Co, za dugogodišnju podršku inicijativama mladih.*

Brzi Start up je projekat Fondacije tuzlanske zajednice koji je implementiran u sklopu United Nations Development Programme (UNDP) projekta ReLoAd (Regional Programme on Local Democracy), podržanog od strane Evropske unije. U okviru projekta, organizovana je edukacija iz oblasti poduzetništva za mlade sa područja Grada Tuzla. Edukaciju je pohađalo 18 mladih osoba, koji su nakon 2,5 mjeseca

obuke, dobili priliku da kandiduju biznis plan za finansijsku podršku i pokretanje biznisa. Od šest kandidovanih, podržana su dva najbolja biznis plana sa grantom od 5.000,00 KM. Pored ovoga, dobili su i mentorsku podršku za kreiranje i razvoj biznis plana, kao i podršku u vidu promocije proizvoda svog start-up preduzeća.



“Fungi kultura” dobitnik granta za pokretanje proizvodnje gljiva bukovača



“Tan for ten” dobitnik granta za pokretanje kozmetičkog salona

Oblasti podrške u programu za mlade



30

PODRŽANIH PROJEKATA



3591

VOLONTERA UČESTVOVALO



80.700

IZDVOJENO U KM



7033

OSOBA IMA KORIST OD PROGRAMA

2.2. Program razvoja zajednice

Program razvoja zajednice ima za cilj jačanje saradnje između civilnog, javnog i biznis sektora, kao i jačanje kapaciteta lokalnih lidera i organizacija, te na unaprijeđenje uslova življenja marginaliziranih grupa, posebno u zanemarenim rubnim zajednicama Tuzlanskog kantona (TK). U okviru ovog programa, FTZ je nastavila da pruža finansijsku, organizacionu i savjetodavnu podršku aktivnim građanima i organizacijama civilnog društva u realizaciji konkretnih inicijativa koje doprinose razvoju zajednice. Također je nastavljena i saradnja sa strateškim partnerom „Mrežom aktivnih zajednica“ (MAZ), čiji mentori su uspješno preuzeli realizaciju Modela organiziranja zajednice na području TK.

Program razvoja zajednice i Program za mlade je podržan od strane Njemačkog ministarstva za ekonomski razvoj i saradnju (BMZ) u periodu 2018-2021, kroz projekat "Demokratsko i ekonomsko osnaživanje nerazvijenih zajednica TK" U 2020. godini, kroz projekat „Naša zajednica je naša odgovornost“, programi su prošireni na cijelo područje TK, zahvaljujući podršci USAID programa „Snaga lokalnog“ i Porticus Programa za jačanje civilnog sektora u BiH.



Organiziranje zajednice

Model organiziranja zajednice koji se primjenjuje od osnivanja FTZ u potpunosti je prilagođen potrebama naših zajednica, tradiciji, kulturi i običajima naših stanovnika. Ovaj inovativan model organiziranja građana u mikro okruženjima (mjesnim zajednicama i naseljima), provodi Mreža aktivnih zajednica s ciljem osnaživanja i jačanja kapaciteta građana kako bi postali uspješni organizatori zajednice i nosioci pozitivnih promjena u svojoj zajednici. Od ove godine, iskustva i prakse iz Modela organiziranja zajednice se prenose na nove općine u TK. Shodno tome, u maju i junu predstavnici FTZ i MAZ-a, posjetili su predstavnike općina u TK, gdje su općinskim službenicima i načelnicima prezentovali ciljeve i aktivnosti koje će se provoditi u okviru novog projekta „Naša zajednica je naša odgovornost“ u periodu od 2020-2024.

Podrška razvoju Mreže aktivnih zajednica

Partnerska saradnja sa UG Mreža aktivnih zajednica (MAZ) se ogledala u mentorskoj i finansijskoj podršci za njeno institucionalno i programsko jačanje organizacije.



Lokalne grupe za razvoj, članice Mreže aktivnih zajednica u 2020. godini:

LGZR Dobrnja,

LGZR Priluk,

LGZR Gornja Tuzla,

LGZR Živinice Gornje,

LGZR Grabovica,

LGZR Seljublje,

LGZR Kiseljak,

LGZR Bikodže,

LGZR Simin Han,

LGZR Bokavići,

LGZR Solina,

LGZR Gnojnica,

LGZR Par Selo,

LGZR Prokosovići,

LGZR Lisovići,

LGZR Turija i LGZR Tuholj.

LGZR Tinja,



Koordinatori Lokalnih grupa za razvoj (LGRZ), samostalno su organizovali i vodili sastanke sa građanima u svojim mjesnim zajednicama i naseljima, realizovali akcione planove, vodili diskusije i zagovarali kod vlasti za bolje uslove življenja.

Tokom pandemije, MAZ je pokazao da ima odličnu koordinaciju unutar svojih upravljačkih

struktura i da posjeduje izuzetnu spremnost i organizacionu snagu aktivista iz LGRZ. Identifikovali su više od 800 domaćinstava/ porodica u stanju potrebe zbog pandemije i uz pomoć humanitarne organizacije Pomozi.ba distribuirali su 1000 paketa humanitarne pomoći u 15 aktivnih zajednica TK, koje su sadržavale 25 tona prehrambenih proizvoda.



Jačanje kapaciteta aktivnih građana i organizacija civilnog društva

Trening "Organiziranje zajednice"

Lideri u civilnom sektoru, predstavnici savjeta mjesnih zajednica i građanski aktivisti sa područja TK upoznati su s Modelom organiziranja zajednice koji je FTZ razvila tokom godina i koji danas provodi MAZ u radu sa svojim članicama. Dvodnevnom treningu prisustvovala je 31 osoba iz 14 različitih lokalnih zajednica i 7 organizacija civilnog društva.

Trening "Projekt menadžment – pisanje projektnog prijedloga"

Polaznici treninga su bili predstavnici javnih ustanova, udruženja i neformalnih grupa građana, koji će stečeno znanje na treningu usmjeriti na jačanje svojih organizacija i ustanova. Trening je realizovan u decembru 2020. godine, a učešće je uzelo 19 osoba.

"Znanje stečeno na edukaciji prenosiću članovima civilnih organizacija u svojoj općini. Budući da većina udruženja u Kalesiji ima konstantnu komunikaciju sa Općinom, upućivati ću ih na određene javne pozive, te im pomagati da napišu projektne prijedloge."

Stručna saradnica za društvene djelatnosti, mlade i nevladine organizacije Općine Kalesija, Elvira Mehmedović



Konferencija aktivnih građana „Uloga civilnog sektora u borbi za zaštitu životne sredine“. Na 13. Konferenciji aktivnih zajednica, koja je održana 19.09.2020. godine u Prokosovićima, slavili smo uspjehe iz 2019. godine, učvrstili smo našu želju i dodatno se motivisali za angažman na polju zaštite životne sredine. Naši aktivisti svakodnevno dokazuju da ideja zajedništva, želja za promjenom, rad i trud, strpljenje i razumijevanje prevazilazi sve razlike i prepreke, a demokratičnost, ravnopravnost i konstruktivnost u donošenju odluka, te uključenost aktivnih pojedinaca, naše zajednice može učiniti boljim i kvalitetnijim za život.” Ermin Avdić generalni sekretar MAZ-a.



U decembru 2020, u saradnji sa Mrežom aktivnih zajednica, Centrom za ekologiju i energiju i Radio Kamelenom organizovan je forum koji je okupio predstavnike organizacija civilnog društva, medija i predstavnike političkih stranaka koje će sudjelovati u Vijeću Grada Tuzla u naredne četiri godine. Glavna tema bila je vezana za kreiranje zelenih politika koje će ponuditi rješenje za problem zagađenja zraka u Tuzli, ali i rješenje za druga važna pitanja u vezi sa okolišom. Forum je imao za cilj stvoriti sponu između predstavnika civilnog i javnog sektora, tj. političkih subjekata koji će participirati u sastavu Vijeća Grada Tuzla što je rezultirao dogovorom o izradi Ekološkog akcionog plana Grada Tuzla.






Kampanja "Solidarnošću protiv korona virusa"

"Još u prvom mjesecu pandemije započeli smo kampanju "Solidarnošću protiv korona virusa", kako bismo ublažili posljedice pandemije na život marginaliziranih skupina. Kroz naš Fond solidarnosti, donacijama od pojedinaca, lokalnih preduzeća, uz dodatnu podršku iz lokalnih budžeta i međunarodnih donatora, koristeći se i našom platformom www.doniraj.ba, uspjeli smo sakupiti skoro 100.000 KM za intervencije koje će smanjiti posljedice pandemije. Ova sredstva smo usmjerili u podršku medicinskim radnicima na UKC Tuzla, hitnoj službi Doma zdravlja Tuzla, ali i još nekoliko hitnih službi u Domovima zdravlja u TK. U saradnji sa našim partnerima na Kiseljaku, dijelili smo tople obroke romskoj populaciji.

U susret sezoni gripe, zahvaljujući sredstvima od Njemačke ambasade, smo uručili pomoć za 21 školu u TK. Sredstvima od Fonda otvoreno društvo i Grada Tuzla smo distribuirali podršku za preko stotinu žena na području TK koje su izgubile posao ili mogućnost privređivanja. Trudili smo se reagovati brzo i uložiti maksimalne napore da damo svoj doprinos i pomognemo koliko je bilo u našoj moći."

– Jasna Jašarević, izvršna direktorica FTZ

Finansijska podrška u okviru Programa razvoja zajednice



UKUPNA PODRŠKA
297.400,88
 ,KM



2.3. Program otvorenog obrazovanja

U okviru Programa otvorenog obrazovanja, FTZ promovira model otvorenog obrazovanja koji podrazumijeva uspostavljanje kulture učenja u lokalnim zajednicama i pretpostavlja aktivno uključivanje građana, posebno mladih, u život zajednice, kao i njihovu samoinicijativnost u cilju poboljšanja uslova življenja.

Razvoj i institucionalna podrška za UG Agora

Kao jedan od osnivača, FTZ je i u 2020. nastavila strateško partnerstvo sa UG Agora i podršku institucionalnom razvoju udruženja.

Međutim, stanje nesreće uzrokovano pandemijom, je negativno uticalo na aktivnosti Agore, s obzirom da nisu bili u mogućnosti da nastave organizaciju edukativnih kurseva za građane u periodu „lockdown-a“. U drugom dijelu godine došlo je do blage stabilizacije rada, tako da su uspješno realizovali određene aktivnosti za mlade, susrete sa aktivistima iz Mreže aktivnih zajednica, ali i istraživanje o radničkim pravima u vrijeme pandemije.

U programima i aktivnostima Agora centra učestvovalo je 522 korisnika u 2020., a ukupno je organizovano 168 različitih aktivnosti kao što su edukativni kursevi, individualni i timski sastanci, radionice i aktivnosti umrežavanja sa domaćim i stranim partnerima. Pored provedbe kurseva i edukacija, Agora je nastavila koordinirati radom Lokalne grupe za razvoj Simin Han.



U FOKUSU: Ispitivanje uslova rada tokom pandemije. UG Agora je, u okviru saradnje sa Međunarodnim Olof Palme Centrom, tokom pandemije, provela istraživanje o uslovima rada, pravima radnika i načinu djelovanja sindikata sa skoro 500 ispitanika uposlenih u javnom, civilnom i privatnom sektoru, od kojih je preko 300 ispitanika uposlenih u oblasti trgovine, zdravstva i obrazovanja. Shodno rezultatima ovog istraživanja, Agora je organizovala kurseve informatike za članove sindikata obrazovanja i zdravstva.

Projekat „Razvoj zajednice Kiseljak sa posebnim akcentom na uključivanje Roma“

FTZ je ušla u petu godinu realizacije posebne inicijative za razvoj naselja Kiseljak u Tuzli sa akcentom na integraciju Roma, ali i revitalizaciju naselja. Kiseljak je zajednica sa procentualno najvećim brojem romskog stanovništva u BiH, koji često žive u uslovima teškog siromaštva. Zbog toga je osnaživanje Roma i njihovo uključivanje u društvo važan aspekt cjelokupnog razvoja zajednice. Intervencije u zajednici FTZ je provodila u saradnji sa Lokalnom grupom za razvoj Kiseljak i partnerskim organizacijama.



Postignuti rezultati u 2020. godini.:

- poboljšana je infrastruktura (putevi, kanalizacija, adaptiran izvor mineralne vode)
- Društveni centar kao sinergijski faktor u zajednici obogaćenj različitim aktivnostima civilnog sektora, pedagoškom radionicom, forumima, treninzima i edukacijama
- mladi ljudi i žene Romkinje educirani i osnaženi za pokretanje prihodovnih aktivnosti domaćinstva
- povećan broj građana Romske nacionalnosti uključenih u procese donošenja odluka
- uspostavljena obrazovna alijansa koju čini 12 partnerskih organizacija u sklopu koje djeluje Savjetovalište za romsko stanovništvo
- osnaženi omladinski lideri kroz podršku projektima, mentorstvo i umrežavanje
- fundus biblioteke u Društvenom centru dostigao preko 600 naslova i 120 korisnika
- otvorena biblioteka igračaka kao resurs za roditelje

Kao rezultat koordiniranog rada pedagoškog tima i saradnje sa školom i ove godine sva romska djeca sa Kiseljaka blagovremeno su upisana u prvi razred; pružena je asistencija učenicima kroz nabavku tableta, kućne posjete, redovnu komunikaciju sa nastavnicima i roditeljima.



Forum teatar „Romano Đoker“

U saradnji sa Klubom mladih Roma organizovan je desetodnevni trening "Forum teatar R.Đ." sa ciljem jačanja vještina mladih za pokretanje društvenog dijaloga. Mladi iz Kiseljaka kroz forum su govorili o problemu života u disfunkcionalnoj porodici ukazujući na efekte prosjačenja i maloljetničkih brakova na živote djece iz ranjivih porodica. Kao rezultat višemjesečnog rada, mladi su u novembru održali premijeru predstave „Ukradeni snovi“ u Društvenom centru Kiseljak koja je potakla diskusiju među predstavnicima institucija i organizacija koje su prisustvovala događaju.

Razvoj poduzetničkih prilika i zapošljavanje žena


Žene Romkinje u BiH žive u vrlo teškom položaju i diskriminirane su i zbog toga što su Romkinje i zbog toga što su žene. Kako bi osnažili žene i povećali stepen zaposlenosti žena na području Kiseljaka, između ostalog, FTZ je u saradnji sa Udruženjem žena Romkinja “Bolja

budućnost” sprovela edukacije o osnovama poduzetništva, te dala podršku ženama za pokretanje prihodovnih aktivnosti u svojim domaćinstvima. U edukaciji je učestvovalo 55 žena, dok je za njih 17 odobrena finansijska podrška.



“Pamtimo bolja vremena, kad su ljudi lagodnije živjeli i svi su radili. Ali život ide dalje i mi se pokušavamo snaći da od svoga rada živimo. Piliće prodam, jer imam svoje sigurne kupce. Uvijek ostavim nešto novca sa strane, da za naredni uzgoj imam dovoljno hrane i tako se snalazim. “

Safija Mustafić, korisnica programa



Unaprijeđenje neformalnog tretmana sekundarnih sirovina.

Nakon što je u 2019. godini urađena analiza stanja i sa relevantnim akterima napravljen prijedlog koraka za unaprijeđenje oblasti neformalnog tretmana sekundarnih sirovina na Kiseljaku, tokom 2020. godine FTZ je počela realizaciju pilot projekta s ciljem humanizacije života i rada osoba koje se bave tretmanom sekundarnih sirovina. U julu su četiri osobe koje se bave sakupljanjem sekundarnih sirovina uključene u mentorski program, u okviru kojeg su napravili analizu vlastitog poslovanja i plan za unaprijeđenje prihodovnih aktivnosti. U septembru je odobrena finansijska podrška za četiri sakupljača sekundarnih sirovina i nastavljeno mentorstvo za realizaciju planova.

S obzirom na to da su aktivnosti usmjerene i na očuvanje okoliša, u decembru je potpisan Sporazum o saradnji sa JKP Komunalac kako bi se regulisao odvoz krutog otpada sakupljača.

Projekti „Edukacija učenika o odgovornom postupanju sa psima“ i „Besplatne sterilizacije i kastracije uličnih i vlasničkih pasa u TK“

Projekti su realizirani u saradnji sa Dogs Trust fondacijom sa ciljem da se poveća svijest i znanje djece o sigurnom i odgovornom načinu ophođenja sa uličnim i vlasničkim psima, ali i da se da podrška lokalnim vlastima u rješavanju problema napuštenih pasa širom BiH.




Zbog prelaska škola na online nastavu, u martu je obustavljena redovna realizacija radionica u školama. U saradnji sa Fondacijom Dogs Trust tokom ljeta realizovane su online radionice, u čijim pripremama i realizaciji su učestvovali edukatori Fondacije.

Zbog nepovoljne epidemiološke situacije, te zbog nemogućnosti pristupa učenicima putem škola Fondacija Dogs Trust odlučila je da prekine program edukacija, tako da je u oktobru 2020., nakon punih pet godina, završena realizacija projekta.

Program besplatnih kastracija i sterilizacija na našem kantonu provodili smo četiri godine. Kastracije i sterilizacije se radile su se u partnerstvu sa 17 veterinarskih stanica koje su bile uključene u program.

U 2020. obrađeno je ukupno 3.320 pasa, a broj ukupno obrađenih pasa na području TK u posljednje četiri godine iznosi 23.466 obrađenih pasa.





Uz podršku Njemačke ambasade u BiH podijeljeno je 1700 litara dezinfekcionih sredstava, 8500 pamučnih zaštitnih maski za djecu, 8000 jednokratnih hirurških maski i 21 beskontaktni termometar. Ova vrijedna donacija raspoređena je u 24 škole u TK, te u Centar za ranu intervenciju "Mali svijet".

2.4. Program filantropije

FTZ ima jedinstvenu misiju da promovira filantropiju i uključivanje svih u razvoj zajednice. I u ovoj godini radili smo na povezivanju pojedinaca, preduzeća, porodica i drugih donatora da, pod istim krovom, zajednički organizujemo dobrovoljno darivanje za podršku lokalnim zajednicama i civilnom sektoru u tuzlanskoj regiji. Kroz filantropske fondove, protočne ili zadužene, tematske, namjenske ili fondove za stipendiranje, kao i memorijalne, FTZ planira dugoročno pružati podršku inicijativama i projektima za dobrobit zajednice.

U odnosu na prethodnu godinu ukupan iznos prikupljenih sredstava je manji za oko 15% i razlog tome je uglavnom pandemija COVID-19, koja je prvenstveno pogodila preduzeća, ali i mnoge pojedince, te reducirala potrošnju i povećala štednju.

Uprkos tome, mnoge FTZ kampanje za namicanje sredstava, a posebno kampanja "Solidarnošću protiv korona virusa", su bile uspješne.

Ova kampanja je otvorila i nova partnerstva za FTZ, tako da je kroz saradnju sa Fondom otvorenog društva BiH obezbjeđeno 20.000 USD i Gradom Tuzla, 15.000 KM za podršku ženama u stanju potrebe, dok je s Ambasadorom Republike Njemačke u BiH obezbjeđeno 10.000 eura za podršku školama u TK za prevenciju širenja pandemije.

U 2020. god, ostvarena je saradnja s Trag fondacijom iz Srbije, u cilju promoviranja modela „community“ fondacija u BiH kroz njihovu inicijativu "Fondacija iz našeg kraja". Putem on-line sastanaka, FTZ je predstavila vlastiti primjer uspješnog razvoja lokalne fondacije.

On-line kampanje 2020 putem platforme [Doniraj.ba](https://doniraj.ba)

R.br.	Naziv kampanje	Ostvareno u KM
1	Vratimo Kiseljaku stari sjaj	942,05
2	Solidarnošću protiv korona virusa	31.451,00
3	Sport za sve	6.435,00
4	Ventilacija i klimatizacija doma Tinja	7.367,00
5	Renoviranje krova PŠ Lisovići	3.766,00
6	Rekonstrukcija toaleta OŠ S.Han	5.070,00
7	"Budi junak-junakinja svoje zajednice"	13.050,00
8	Fond Prometej	10.197,50
9	Drvo za Angelinu, drvo za prijatelja	3.427,50
10	100 dječijih knjiga	219,00
UKUPNO:		81.925,05

RAZVOJ DIJASPORA FILANTROPIJE

S ciljem razvoja filantropije, povećanja broja filantropa i unaprijeđenja procesa namicanja sredstava uspostavljena je saradnja sa udruženjem iz Njemačke *Zukunft gestalten in Bosnien* kako bi se unaprijedila saradnja sa bosanskom dijasporom u Njemačkoj.



Društveni aktivizam je način za kreiranje boljih prilika za sve nas, ali nije dovoljno da se samo mi kao pojedinci razvijamo i nadograđujemo, ukoliko to sve što smo stekli ne prenesemo na našu lokalnu zajednicu i ne radimo na tome da unapređujemo mjesto gdje živimo i pomažemo ljudima koji žive u našoj zajednici.



PROMETEJ
fond za stipendiranje

Amna Zigić, studentica 2. godine
Filozofskog fakulteta Univerziteta u Tuzli,
odsjeck žurnalistika

FONDACIJA TUZLANSKE ZAJEDNICE
Daruje zajednici, darivati oca cura!



Prema je ova godina izazovna za sve nas, stipendija Fonda Prometej nije isključivo finansijska podrška, nego i moralna. Podstiče nas da pomjeramo granice vlastitog djelovanja, kako na polju ličnog, tako i na polju profesionalnog razvoja.



PROMETEJ
fond za stipendiranje

Kanita Selmanović
studentica 3. godine
Medicinskog fakulteta
Univerziteta u Tuzli,
odsjeck zdravstvene studije

FONDACIJA TUZLANSKE ZAJEDNICE
Daruje zajednici, darivati oca cura!



3. Programski i institucionalni razvoj

Komisije za dodjelu grantova i radne grupe

U proces donošenja odluka o finansijskoj podršci inicijativama građana i organizacija civilnog društva, učestvovala je ukupno 171 osoba raspoređena u 12 komisija. Članovi i članice komisija su građani različitih profesija, starosne dobi i spola, koji volonterski sudjeluju u donošenju odluka i odlučivanju u dodjeli sredstava. Komisije pri Fondu za mlade, odnosno Odbori Omladinskih banaka su ujedno

i najbrojnije komisije koje pored odlučivanja o podršci inicijativama mladih, volonterski učestvuju u nizu različitih aktivnosti i događaja od interesa za mlade. Proces donošenja odluka odvijao se transparentno i demokratski po unaprijed utvrđenim kriterijima za svaki fond.

Umrežavanje i saradnja sa međunarodnim donatorima i vlastima

S obzirom na situaciju uzrokovanu pandemijom virusa COVID 19 i bezbjedonosnim mjerama koje su širom svijeta poduzete u ovom periodu i koje su ograničile kretanje i okupljanja većeg broja ljudi, nisu organizovane studijske posjete, ali rad sa partnerima i umrežavanje nije obustavljeno.

Tokom godine organizovani su brojni online susreti i sastanci sa partnerima gdje je FTZ bila posebno angažovana u saradnji sa partnerima na programu USAID-a "Snaga lokalnog", zatim programu Porticus fondacije "Jačanje civilnog angažmana u BiH"; zatim umrežavanje kroz partnerstvo sa Olof Palme Centrom i kroz saradnju sa Srednjom Narodnom školom iz Švedske. Održani su on-line webinar i sa Freudenberg fondacijom.

Pored međunarodnih i domaćih donatora, FTZ je nastavila saradnje i sa vlastima, tako da su potpisani sporazumi o saradnji s Gradom Tuzla, Gradom Srebrenik, Gradom Živinice i Općinom Lukavac, a tokom ljeta 2020. FTZ je svoj rad predstavila šefovima službi za društvene djelatnosti u svim općinama TK. Također je nastavljena saradnja s Ministarstvom privrede TK, Ministarstvom obrazovanja TK i Ministarstvom za kulturu, sport i mlade TK. Direktorica FTZ je uzela aktivno učešće u tematskoj radnoj grupi za Društveni razvoj, u okviru procesa izrade Strategije TK za period 2021-2027.

4. Finansijski izvještaj 2020

A	PRIHODI*	2019/KM	2020/KM
1	Prihodi od međunarodnih donatora i partnera	870.029	949.104
2	Prihodi od pojedinaca i biznisa	68.204	48.591
3	Prihodi iz budžeta	54.383	30.241
4	Članarine	0	0
5	Prihodi od vlastitih aktivnosti	0	0
6	Ostalih prihodi	4.990	3.322
		997.606	1.031.258

* Lista svih lokalnih i međunarodnih donatora se nalazi na kraju izvještaja

BR.	RASHODI*	2019/KM	2020/KM
1	Osoblje (neto plaće, doprinosi, ostala primanja)	280.559	363.562
2	Transport (gorivo, održavanje vozila)	11.854	8.644
3	Oprema (IT oprema, softveri, namještaj, održavanje)	7.784	8.322
4	Kancelarijski troškovi (materijal, režije, osiguranje, održavanje, banka, itd)	19.296	19.969
5	Programski troškovi, servisi i usluge (treninzi, dizajn i štampa, medijske usluge, revizija, računovodstvo, ugovarači)	77.741	56.017
6	Programi podrške kroz grantove i druge podrške (institucionalni grantovi, tematski fondovi, filantropski fondovi, posebne inicijative i programi podrške)	596.390	568.604
7	Ostali troškovi (članstva i mreže, studijske posjete, izgradnja kapaciteta, nepredviđeni troškovi)	3.978	6.132
	UKUPNO RASHODI	997.602	1.031.250

* Lista rashoda prikazana prema programskom/projektnom budžetu

MIŠLJENJE NEOVISNOG REVIZORA ZA 2020 POGLEDATI NA WWW.FONDACIJATZ.ORG.

UDRUŽIVANJE DONACIJA

Aktivisti i volonteri koji su učestvovali u realizaciji predstavljenih projekata su napravili vidljive, mjerljive i konkretne promjene u našim lokalnim zajednicama. Time su pokazali da bogatstvo naših zajednica leži u ljudima koji su svojom energijom, entuzijazmom i volonterskim radom pokrenuli zajednicu i ujedinili resurse u cilju poboljšanja uslova življenja za sve građane. Projekte ne bi bilo moguće realizovati

bez udruživanja donacija stranih donatora s donacijama pojedinaca i društveno odgovornih preduzeća iz lokalnih zajednica. Inicijalna sredstva za podršku građanskim projektima i pozitivnim promjenama u zajednici, Fondacija tuzlanske zajednice osigurava kroz programsku i projektnu podršku stranih donatora, te dijelom kroz partnerstva sa lokalnim samoupravama.

STRANI DONATORI U 2020. GODINI

Freudenberg Stiftung Weinheim, Njemačka

Federalno Ministarstvo za ekonomski razvoj i saradnju Savezne Republike Njemačke

Charles Stewart Mott Foundation, Flint, Michigan, SAD

Olof Palme International Center, Stockholm, Švedska,

DogsTrust Fondacija, Velika Britanija,

United Nations Development Programme,

United States Agency for International Development USAID

Porticus Foundation

Ambasada Savezne Republike Njemačke,

Fond otvoreno društvo Bosna i Hercegovina,

DOMAĆI DONATORI U 2020. GODINI LOKALNE SAMOUPRAVE I MINISTARSTVA

Grad Tuzla

Općina Lukavac

Grad Živinice

Grad Srebrenik

Ministarstvo privrede TK

PARTNERSKA PREDUZEĆA I DONATORI U 2020.

GENERALNI POKROVITELJ FONDA ILI DOGAĐAJA donacije preko 5.000KM

Hans Karl,

Un Bambino per Amico

GENERALNI MEDIJSKI DONATOR

RTV7, Centar za kulturu, Radio Kameleon

DIJAMANTNI DONATOR donacije od 2.000 KM do 3.000 KM

Cestotehnik doo

ZLATNI DONATOR donacije od 1.000 KM do 2.000 KM

Centralno grijanje dd, Sberbank BH dd, EKI MKD,
Bingo doo, EKI MKF, Virgin Pulse doo

SREBRENI DONATOR donacije od 400 KM do 1.000 KM

TXTV doo, Pčelica M doo, ZH Zola doo, Menprom doo
DAMFIS ŠPED doo, Quality Cert doo, Zavod za javno
Beemed doo, zdravstvo TK,

BRONZANI DONATOR donacije od 200 KM do 400 KM

Guma M doo, Neutrino doo, Multilab doo, Poliklinika Azabagić
Big Ben Centar, Hadžiefendić
B Art obrt, stomatološka
DCCS doo, ordinacija, Lović &Co doo,

PRIJATELJI FONDACIJE donacije do 200 KM

Agencija za stаница Živinice, Rođaci Tr. Radnja, Deling doo
certificiranje Halal, Zavod za humanu
kvalitete, reprodukciju Dr Balić,
JP Veterinarska Džaferagić doo, Eko Život doo,

INDIVIDUALNI DONATORI**KLUB DONATORA FTZ (donacije iznad 50 KM)**

Emina Sendijarević, Nada Mladina, Slaven Ostojić, Mirza Ćatibušić,
Ivica Salihbegović, Ivica Lukanović, Elvir Musić, Renata Bošnjak-
Mirza Salkić, Sead Sarihodžić, Damir Dajanović, Rebernik,
Braulio A. Portes, Sead Grebović, Gordan Isabegović, Džemo Memić,
Ivana Perkunić, Ivana Avramović, Lejla Delalić, Goran Ligić,
Mešalić, Emir Saković, Zvonko Rebernik, Fikret Selman,
Mirjana Marinković- Lejla Alijanović, Fadil Bajrami, Faketa Pipal,
Lepić, Saković, Jasmina Mustačević, Nihad Mešić,

Alden Osmanbegović, Aida Sredojević, Denis Mršić, Tanja Umičević, Emir Bašić, Tanja Junuzagić, Lejla Hasanbašić, Zlatko Alidžanović, Jasmin Nuhić, Almira Omić, Sabina Sinanović Ćatibušić, Mirela Pašić, Faruk Hodžić, Aleksandar Todorović,	Danijela Lukanović Hribar, Ehlimana Alić, Nermin Osmanović, Merima Džubur, Samra Harbaš, Amna Ibrahimović, Hazrudin Kišić, Ibrahim Hadžić, Alema Burgić, Merisa Okanović, Muhamed Hadžić, Mujo Sarajlić, Amina Muharemagić, Svjetlana Žutić,	Svjetlana Mujezinović, Tihomir Knežiček, Sabina Imširović, Saša Magazinović, Naida Husić, Ines Osmanović, Tahir Huremović, Elvira Delić, Sabahudin Ahmetović, Maja Popović, Meliha Šerifović, Nina Avramović Trninić, Elvir Brkić,	Mirna Hodžić, Jasna Jašarević, Vera Đezić, Ismet Sokoljanin, Tarik Baraković, Selma Memišević, Melika Mulaosmanović, zra Isanović, Andrijana Čajić, Mirza Mujezinović, Albina Beganović, Amila Čitaković.
---	--	--	---

KLUB PRIJATELJA FTZ (donacije ispod 50 KM)

Mirsad Rahmanović, Ivana Galušić, Irnel Ilić, Amer Kantardžić, Danijela Mujanović, Nedim Ćudić, Edis Žilić, Adi Selman, Una Selman Žilić, Dragan Božić, Mirela Jaganjac, Ivana Pašić, Fuad Tosunbegović, Danijel Stuhli, Amila Vidović, Sanela Babić, Alma Karić, Majda Bosankić, Eldina Softić, Samra Osmanbegović, Lejla Alidžanović	Nurkanović, Ermin Avdić, Dajana Omerdić, Dajana Bakić, Nihad Muratbegović, Emina Pirić, Mirela Husić, Edo Salković, Mirela Karić, Meliha Mehić, Azra Gulamović, Adis Poljić, Mustafa Ramić, Mirza Saletović, Belma Likić, Mahir Muharemović, Šejla Šabanović, Azra Mešić, Jasmina Bijeljinać, Maja Alempijević, Azra Bašić,	Zlatko Džinović, Adis Jahić, Muhamed Klapić, Izudin Maleškić, Alma Imamovic, Jasmira Avdić, Haso Hasić, Dženita Kurtćehajić, Esana Kavazbašić- Huskanović, Adis Hasić, Vesna Smajić, Šahida Ramadanović, Sabina i Adnan Sijerčić, Merita Sokoljanin, Tomislav Ramljak, Srećko Škrobić, Selma Mustačević, Maja Vranić, Idana Mahić,	Damir Žarak, Anita Bijedić, Minela Kalem, Goran Marković, Samir Memišević, Admir Beharić, Selma Tobudić, Vedran Pejić, Sanel Omerović, Sadka Duškunović, Amra Nadarević Vodenčarević, Lejla Kurtić Sejdinović, Merita Horozić, Nina Šahbegović, porodica Hodžić, porodica Đezić, porodica Jašarević, porodica Grebović.
--	---	--	---

DONATORI U KATEGORIJI UDRUŽENJA

Institut za razvoj mladih KULT, UG KUD Tinja, Sindikalna podružnica JU OŠ Podorašje, Grupa građana Priluk, VR OŠ Priluk, UG FK Solina, MZ Prokosovići, MZ Gnojnica, UG Snaga Timuna, UG ZBS Bokavići,	MZ Živinice Gornje, UG Mladih Par Selo, MZ Turija, MZ Bikodže, UG Biciklista MTB Gradina, VR OŠ Kreka, Tuzlanska alternativa, UG Revolt, UG Posita, UG OI Croa Živinice, UG OSKU Tunel,	UG Girl, UG Tuzla Live, UG Biciklistički Klub Kalesija, UG Medicus, Sindikata Rudnika Mramor, UG Putokaz, UG Rino Zandoni, III T2 ETŠ
---	---	--

PARTNERI I MREŽE DOMAĆI PARTNERI

UG Agora centar,
 Mreža aktivnih zajednica,
 Organizacija za djecu i mlade "Osmijeh za osmijeh",
 "Međunarodno udruženje Interaktivne otvorene škole" Tuzla,
 Mreža za izgradnju mira,
 Institut za razvoj mladih KULT,
 Mozaik Fondacija,
 CGS Livno,
 UG Vive Žene,
 Centar za ekologiju i energiju,
 Centar za podršku organizacijama CENSOR Tuzla,

Ministarstvo obrazovanja i nauke,
 Pedagoški zavod TK,
 Zavod za javno zdravstvo TK,
 JU Služba za zapošljavanje TK,
 JKP Komunalac Tuzla,
 Centar za socijalni rad Tuzla,
 Evanđeoska crkva,
 Udruženje žena Romkinja "Bolja budućnost",
 Udruženje Euro Rom Tuzla,
 UG Početak,
 HO Međunarodni forum solidarnosti – Emmaus,
 Klub borilačkih sportova Tuzla,
 UG Nela, Orašje

STRANI PARTNERI I MREŽE

Partnerski program osnaživanja mladih (eng. Youth Empowerment Partnership Programme)

Folk High school Västerås Švedska

Europe foundation Centre (EFC)

Canadian Network of Community Foundation

ECFI

TACSO - Technical assistance for civil society organizations

Youthbank International

Techsoup Balkans

TRAG Fondacija Srbija

Slagalica Osijek - Zaklada za razvoj lokalne zajednice

Pojedinci koji su darovali svoje znanje i vrijeme kroz učešće u komisijama za dodjelu sredstava u 2020.

Komisija za dodjelu sredstava iz Fonda za aktivne zajednice

Dragan Božić,
 Eldin Tufekčić,
 Ermin Avdić,

Hazrudin Kišić,
 Izet Šljivić,
 Meho Brčaninović,

Mirela Omerkić,
 Nataša Tomić,
 Radoslav Đokić, Sadija

Mašić,
 Vedrana Dautović,
 Vlasta Marković

Komisija za dodjelu sredstava iz Fonda Volim Tuzlu (Fond Volim svoj grad)

Selma Hodžić,
 Suvad Zahirović,

Marko Kovačević,
 Selma Jahić,

Jasna Jašarević

Komisije za dodjelu sredstava iz Fonda za mlade Odbor Omladinske banke Tuzla

Adelina Grbić,
 Adi Čanović,
 Adin Poljić,
 Ajla Husić,
 Aldin Saračević,
 Amila Hadžigrahić,
 Amna Ibrahimović,

Asja Suljić,
 Azra Kasumović,
 Dalila Gavranović,
 Dino Dizdarević,
 Eldar Bektić,
 Elma Karić,
 Emina Dželić,

Emir Sprečak,
 Gloria Brkić,
 Irma Strašević,
 Ivana Porobić,
 Jasmina Bjeljinac,
 Mahir Keran,
 Maida Mešanović,

Nadir Mehinagić,
 Nermin Alibašić,
 Omar Petričević,
 Tarik Sitarević,
 Tina Pranjić,
 Vedran Tomić.

Odbor Omladinske banke Srebrenik

Mehanović Azmir,
Vikalo Ismail,

Šerifović Safeta,
Mustafić Azra,

Hodžić Emina,
Pedljić Kenan,

Suljić Murisa,
Suljagić Dženita.

Odbor Omladinske banke Lukavac

Tarik Suljić,
Amer Zornić,
Ajla Žigić,
Ehlimana Arapčić,
Belma Likić,
Belmin Suljić,
Mahir Muharemović,
Sulejman Djedović,
Dino Alić,
Nejra Sulejmanović,

Tarik Bektić,
Džana Mujagić,
Adnan Sultanić,
Bakir Burgić,
Alen Čatović,
Demir Žigić,
Jasmin Kurtić,
Adnan Kovačević,
Amar Selimović,
Emina Dautović,

Semra Džambić,
Dino Begić,
Amila Pištoljević,
Semir Subašić, Belma
Baraković, Lejla
Omerović, Dženana
Garibović, Džana
Kunosić,
Ajdin Kehonjić,
Šejla Šabanović,

Semina Grahić,
Elma Gazetić,
Ema Trakić,
Nejra Memić,
Majda Milinkić,
Vanesa Imamović,
Rijad Dugonjić.

Odbor Omladinske banke Živinice

Selma Halilčević,
Najda Mulić,
Mujo Mrakanovic,
Salihović Mubina,
Melika Umihanić,
Maja Alempijević,
Larisa Smajilović,

Kenan Nukić, Salihović
Izabela, Hanifa Bulić,
Elvir Musić,
Belmin Islamović,
Azra Imamović,
Ajla Aličić,
Aldina Bajrić,

Azra Hamzić,
Arnela Imamović,
Anisa Imširović,
Andrea Jurišić,
Ademir Tulumović,
Amina Smajić,
Amel Čičkušić,

Ajdin Hurić,
Amra Mušić,
Amar Bosankić,
Belma Goletić,
Merjema Poljić

Odbor Omladinske banke Kalesija

Kanita Ramić,
Adin Hadžić,
Omar Hamzić,
Muharem Ibrić,
Selma Osmanović,
Amina Turić,

Emir Šmigalović,
Refija Avdić,
Nejla Mujkić,
Esmir Atlagić,
Amina Ajdinović,
Adelisa Tabalović,

Ajdin Turić,
Almedina Šahbegović,
Omerović Amina,
Almedin Halilović,
Benjamin Pezić,
Kenan Novačinović,

Dženan Čanić,
Amina Smajić,
Eldin Šehić,
Mustafa Smajlović.

Komisija za dodjelu sredstava iz Fonda za otvorene škole

Edina Malkić,
Sabina Sinanović Čatibušić,

Tihomir Knežiček.

Komisija za dodjelu sredstava iz Fonda solidarnosti

Ekrem Jusufović,

Subhija Bajrić,

Ismet Sokoljanin.

Komisija za dodjelu sredstava iz Fonda Prometej

Damir Dajanović,
Elvir Musić,

Emir Saković,
Ines Osmanović i

Mirza Ćatibušić.

Komisija za dodjelu sredstava iz Fonda Kiseljak

Asmira Malkočević,

Maida Bubić,

Salim Halilbašić.

Komisija za dodjelu sredstava iz Fonda poduzetništvo

Amir Azabagić,
Selma Jahić,

Vedran Lakić,
Adem Azabagić,

Jasna Jašarević,
Tarik Baraković



FONDACIJA
TUZLANSKE
ZAJEDNICE

Darujte zajednici, darovali ste sebi !

GODIŠNJI
IZVJEŠTAJ

2020

Fondacija tuzlanske zajednice

+38735 362830
+38735 362831

fondtz@fondacijatz.org
www.fondacijatz.org

Pozorišna 13, 75 000 Tuzla
Bosna i Hercegovina